



محمد ترکمانی (۱۳۳۹)

کیتابلاری: هایلی شهریم- تئلی تیکان

دلیک - دلیک

فیکیریمی
باشیما بیغانمیر
بو گونشدن آیینمیش گونده لیک !
باشماق دلیک
خیابان دلیک !
چۆرک
صیفینه دوزولموش دوکانلار پنجره - پنجره !
گۆره سن
بو دلیکلر
شمس تبریزی بازارینا
چیخاردا بیلرلر بدنیمین ایلان شکیلینی ؟ !
شمس تبریزی نین
گومانى
دلیک !
شمس تبریزی نین
بو آیریلیقدان شکایت ائتمیش
نئیى
دلیک
دلیک !

شعر

سیرداغی

اوره بیم سیخیلیر آپارتیمان بویوندا
آیناز !
اوره بیم
گۆیه چکیلمیش پنجره ده
پرده ده !
گۆیلومه
تانریمین آلا گۆزلریله اؤبوشموش
سیرداغی دوشموش !
دوشموش اوباشدان اوزوم باغلارینا
بوباشدان اوزولمه میس هله
آغ توت
آیناز !
هله
شهرچاییمین قارماقلانمیش دوداقلاری
تورا دوشموش قانادی !
اوقدر قانادی یولونو گۆزله میس دنیزیم
دیغلادی
اوتوبان طرفلرینده !
اوقدر دیغلادی فرمان باشینا دولاندردیغیمیز
قارا پول
آینا دیبینه ساللادیغیمیز گۆز نظر
دردینه دهیمه دی !
اوقدر دیغلادی
کۆچری قوشلارین
آغلاماغی
گلدی
آیناز !

بو ھاوانین گۆزلی

اولو تانریمین بیرآز کۆهنلمیش

چرچیوه سی !

بیرآز نایلون چیچه یین سولموش رنگی له درد دل
اٹتمیش

تاخچالار بوجاغی !

چای سارالمیش

قندی یئتمیش بالا- بالا

همن او

«جیلی - جیلی سنه نه قالدی!»

جورابلاری

باش بارماغی نین پنجره سیندن بویلانمیش

نرده لنمیش گوشه !

تیریم - تیریم تیتره میش دوداقلاری

و

طنی !

دستنداز

چوپور

خیابان اوزو !

دستندازا دوشور

«بوگنجه

آیه باخیب

یارسنی یاد ائيله میشم

لبی

لبی

لبی

لبی

لبی

لب !»

او قدر

مانکن گۆز لریمین

نایلون کیرپیک لرینی ویتیرینه چالدیم

سیندی

شوشه !

تۆکولدو

هر طرفدن گۆزومه دوشموش

پئرو

ژنکتور !

|||||

بوھاوانین گۆزلی

باشماقدان اؤترو

آیاقدان دوشمورموش یقین !

بو ھاوانین گۆزلی

گۆندوزو

گوش کیمی لمس ائدیرمیش

گنجه نی

آی کیمی

یقین !

قارقارا - قارقارا

وطنین

صیفیر نوقطه سی بیر نفر

ایکی نفر

چوخ نفر !

وطن جیبینه تیکیلیمیش دویمه نین قیریلیمیش

گۆز لری قارقارا - قارقارا !

چارخی قار

ماشینی قارا !

اؤلوری

سورپرايز

نه آغلاماغا
نه گولمه يه
نه

ساواشماغا جانيميز !
بيزيم ائوده
دوغوم گونو
يوخ !

قىرمىزي كرپيچ

گۆز لر ين
همن او كوچه يه باغلانميش قاپى نين
گۆي رنگينه قاچيردير يوخومو ،

قىرمىزي كرپيچينه
پرده لنميش پنجره سينه !
هى قاچيردير آما
بو ساعاتين تيققيلتيسى
او سحره چاتمير !
بو سئريالى
آغلاميش تى.وى لر
گولموش رنكلاملار
خورولداميش
چيراقلار
گونه چيخانمامير ائله بتر !
همن او تى.وى نين بوفه سينه
بير بالا جا فيل آزديرميش خان ننه م !
هئئئئئى

خورتومونو قاوازيير گۆيه
ديش لر ينى مينجيقلايير فيريشته يه
قولاقلار ينى يئليپكله يير بلكه
ايستى دن
بيشمه سين
هينديستانين گئئيشلى چؤل لرى !

دوزلو گۆلوم

«آرپاچايى
آشدى
داشدى،

سئل سارانى
گۆتوردو
قاچدى»

آنچاق دنيزه چاتدى !
دنيز
سارانى

اورمو جومالارى نين بيرينده گۆرموشوموش
دئمه !

اوندا
بو كۆرپو
وورولماميش
اوندا

زنبيل داغى سۆكولمه ميش
اوندا

آرتيمميا گۆز لر ينه
هوندور داشلارى دولدورماميش
بو جرئقيل !

اۆلۈم لە - دىرىمدن

چئورەسىنى

اۆلۈم لە

دىرىمدن باشقا بىر شئىلر آلمىش تورپاغىن گۆزۈ

نە ياغىشدا

نە ياغىشدان دوغولموش بىر شەھرىن

دوم - دور دورولموش كدرىندە !

نە گۈندە

نە گۈندۈزدە

نە

اۆزۈنۈ ساتمىش بىر يازىن الوان چىچكلىرىندە !

چئورەسىنى

اۆلۈم لە

دىرىمدن باشقا بىر شئىلر آلمىش تورپاغىن گۆزۈ

نە

السىز

آياقسىز بىر قولچاغىن

داماقدان دوشموش قىزىندا !

نە دووارا مىخلانمىش داغلارنىن چرچىۋەسىندە

نە پنجرەدن آسىلمىش پردەنىن چىيىنىدە !

چئورەسىنى

اۆلۈم لە

دىرىمدن باشقا بىر شئىلر آلمىش تورپاغىن گۆزۈ

نە گۆزدە

نە

بويىقلار دىيىنە دوزولموش

كىرپىكلىرىن

اوجوندا !

نە

دوزدە

نە دە

اھىرىدە